



COMUNU DE G O N I

PROVÌNTZIA SUD SARDIGNA

**DETERMINATZIONE
ÀREA AMMINISTRATIVA E SERVÌTZIOS A SA PERSONA**

n. 52 de su 08-06-2023

Ogetu: Contributu econòmicu a s'assòtziu de Volontariadu Goni "Insieme per la vita Onlus" annu 2022. Licuidatzione acontu.

S'annu duamìgia bintitres, sa die oto de su mese de làmpadas,

SU RESPONSÀBILE DE SU SERVÌTZIU

Bidu su Decretu de su Sìndigu n. 6 de su 04.08.2022 cun sa cale sa sutascrita est istada numenada Responsàbile de Àrea Amministrativa e Servìtzios a sa Persone;

Bidu su D. lgs 267/2000 e ss.mm.ii. e in particolare is artt. 107 e 109;

Bidu s'Istatutu Comunale aprovalu cun deliberatzione de su Cussìgiu Comunale. n. 39 de su 12.06.1991 e ss.mm.ii;

Bidu su Regulamentu subra de s'Ordinamentu de is Ufìtzios e de is Servìtzios aprovalu cun deliberatzione de sa Giunta Comunale n. 72 de su 29.12.2010;

Bidu su Regulamentu de Contabilidade aprovalu cun deliberatzione de su Cussìgiu Comunale n. 35 de su 30.11.2018;

Bidu su bilanzu de previsione 2023-2025 aprovalu cun deliberatzione de su Cussìgiu Comunale n. 5 de su 22.04.2023;

Cunsideradu chi intre is fines istitutzionales de s'Amministrazione Comunale ddoe est sa promozione de s'isvilupu de sa comunidade sua, e chi a custu propòsitu si contivigiat fintzas a traessu de s'amparu a assòtzios e iniziative de utilidade sotziale;

Rilevadu chi in su territòriu de Goni òperat de vàrios annos s'Assòtziu Volontariadu Goni **“Insieme per la vita Onlus”**;

Bista sa nota prot. n. 2578/2022 presentada dae su Sig. Rodolfo Orrù, Presidente pro-tempore de s'Assòtziu Volontariadu Goni **Insieme per la vita Onlus**, pro more de pòdere otènnere unu contributu giustu pro s'annu 2022, pro pòdere fàghere a “cursos de formatzione pro is iscritos noos e de adeguamentu pro cuddos in servìtziu, achistu de atrezaduras netzessàrias pro sa faina de prontu interventu e apretu Covid bombolas de ossìgenu, bucones de ricàmbiu ambulanzas, materiale mèdicu sanitàriu, cantzilleria, etc.....”;

Torradas a remonare:

- sa deliberatzione de Giunta Comunale n.58 de su 30/12/2022 a ogetu Cuntzessione contributu in favore de s'Assòtziu Volontariadu Goni **Insieme per la vita Onlus** in ue si manifestat sa voluntade de s'Amministrazione in su cuntzèdere unu contributu a s'assòtziu finas a un'importu màssimu de € 2.500,00;
- sa determinatzione de su Responsàbile de s'Àrea Amministrativa e de is Servìtzios a sa Persone n. 257 de su 30.12.2022 a ogetu “Cuntzessione contributu in favore de s'assòtziu de voluntariadu Goni **Insieme per la vita Onlus** annu 2022. Impinnu de ispesa”;

Bidu su Regulamentu Comunale pro sa cuntzessione de is contributos aprovalu cun Deliberatzione Cunsìgiu Comunale n. 19 de su 09.06.2000 e ss. mm. ii;

Retentu de dèpere protzedire a sa licuidatzione de su 80% de contributu assignadu pro s'annu 2022 gasi comente istabilidu dae su Regulamentu subra tzitadu;

Atestada sa regularidade e curretesa amministrativa de su presente àutu cunforma a s'art. 147-bis de su D.Lgs. 267/2000.

Achiridos, cunforma a sa Lege 13 de austu 2010 n. 136 e ss.mm.ii., is datos de is coordinadas de su contu corrente bancàriu acanta fàghere is pagamenti in ogetu, is generalidades e su còdighe fiscale de is persones delegadas a operare subra de su contu corrente;

Totu custu premìtidu,

DETERMINAT

De liquidare sa summa de € 2.000,00 uguale a su 80% de su contributu s'annu 2022 in favore de s'Assòtziu Volontariadu Goni **Insieme per la vita Onlus** a su Còdighe de bilantzu 12.04-1.04.04.01.000 Cap. 1454/0 imp. 397/2022 rr.pp. de su bilantzu 2023;

De providire a su pagamentu de sa summa de € 2.000,00 cun acrèditu in su contu corrente dedicadu (IBAN: IT94M0101544000000070182781);

De providire a sa liquidazione de su chi abarrat 20% uguale a su € 500,00 de su contributu a pustis de presentada de torracontu;

De trasmettere còpia de su presente àutu a su Responsàbile de Àrea Econòmicu-Finanziària pro is acumprimentos de cumpetèntzia.

Su Responsàbile de su Servìtzios

F.du Dot.a Elena Dessi'

Còpia Cunforme a impreu amministrativu.

Su Funtzionàriu Incarrigadu

ATESTADU DE PUBBLICATZIONE

De sa determinatzione in ogetu benit comintzada oe sa publicatzione n. 171 a s'Albo Pretòriu on-line 15 dies consecutivas de su 03-07-2023 a su 18-07-2023.

Da die 03-07-2023

Su Responsàbile de sa Publicatzione
F.du Dot.a Elena Dessi'

